

穆

堂

初

稿

穆堂初稿卷第十三

臨川 李紱 巨來

觀潮草

倣裝二首

立國賢才重爲臣道路輕三年頻奉使五載四持衡大
火西流影賓鴻北去聲橐衣原自簡徒御莫相驚

文獻吳興舊山川越絕新名家宋南渡王會禹東巡玉
尺吾何有冰壺昔所珍聊持精白意象罔或能神

趙北口泛舟

陰霞警朝覲積潦阻晨驅方舟聊小泛寒碧分菰蒲新

水四五尺浦潏交長渠渚蓮開未已單萼猶紛敷繁粧
一以斂濯濯餘清靡回棹望益遠十里妍且都有如漢
宮秋姪娥揚輕裾千門萬戶閒一一顏色殊掇拾貯船
舷倒映紅羅襦茲焉足永日溯洄爲清娛平沙出畦隴
曲渚逢村閭水禽雜雞鶩相忘於江湖遙望隄柳深千
樹頽雲扶綠陰涵澄波煩暑微風驅長淮與清潁忽忽
懷歐蘇何年頓驛軌一舸歸散廬溪流抱山曲鷗盟吾
不渝

七月朔日食紀事

蔚宗日食論交度卽以所分之野當其凶平生寶此說

每逢交食占之時時同六月季夏氣維暑我行晚視星
斗縱復橫參旂旣高東方白直以天狼爲啟明時去立
秋之日尙四日日行正當井鬼中獻縣南行一舍近已
午之會愁炎蒸日光慘慘忽異色林木影澹溪陰騰四
天淨洗絕雲氣毋乃睡眠多眊昏且矇樸夫來告日有
食之者四分漸過五分疆停車披帷一仰覲有如上弦
之月虧未盈稍近前村噪金鼓扣盆擊盞鐘橫撞陽尊
陰卑有定理嗟爾小民猶作不平鳴春秋攻社有古法
約束羣陰繫以朱絲繩我身在野友在筭欲再拜護無
祠亭須臾陰氣返縮斂五色煥爛重輝光乃知妖不能

勝德偶有侵蝕旋銷亡并鬼之分今川陝王師十萬征
不庭畎畝農夫困飛輓山川險阻戰士不得行勞師襲
遠法所忌千里百里趨利無全功四裔在守不在戰清
邊固壘坐使小醜奸狡窮上天意仁愛日食告以徵以
陰犯陽勢不可以久絕域豈足煩誅懲

聖心高還未易測誰排閭闔一徹上天聽

立秋日平原邸舍微雨

衝暑南征第十程風烟齊趙困雙旌新秋欲到神先爽
好雨剛來氣倍清薄酒飲猶懷十日美人笑已隔三生
買絲誰把平原繡旅食蕭條望古情

秦安州七夕詞

碧梧三葉飄晴霧來宿丈人峯下路傳聞二七是靈辰
清淺明河今夕度烏鵲成梁牛服箱漸臺西畔待牛郎
經年離別一相見那無珠影霑衣裳時方久旱使星未識還
鄉伴臥看雙星過夜半織月先沉碧海深彩雲不散清
宵斷古來岱嶽號天孫至今像設稱元君雨髻風鬟疑
涉漢星冠霞帔儼携雲七襄織室龍梭誤靈風滿旂自
來去留仙七寶秋枕涼今夜知神在何處

南來邸舍困於炎敲軒牕偶得佳樹喜而有作

困腸餘千里繁陰此獨清未能成午夢已覺感秋聲乾

鵲何知喜哀蟬只自驚惟應嘉樹傳一記秦山行
邸館紫薇一株開花甚盛

蠟炬燒殘夜照宜懷人夢繞鳳凰池皎綃戍削絳誰剪
寶牖丰融朱自施妙色已傾齊國好佳名休共北山疑
土牆茅屋誰珍重鄭且夷光未嫁時

峒嵒道中望落馬湖

東南饒巨浸落馬古湖長秋影半天黑夕陽千頃黃依
微辨菰蔣縹緲矢舟航上策何人用由來事曲防
界首觀寶應湖不見滙溪

款水湖波壯尤驚寶應奇遠疑西海接高並夕陽垂一

氣諸天動孤根大地危回看萬廬含愁絕髮如絲

高郵湖決歎

湖隄東決一百丈萬壑雷轟氣奔放其餘斷缺如齒牙
百里高郵何蕩蕩孤城不沒三版危北關新築懸一絲
架床疊几浮甕盎上下村落如鳧鷖頗聞州官急培克
胥吏朋奸作蝨賊封墨斂僧搜括奇帑利絲毫民不得
五行感召有機祥水不潤下陰氣昌狂咎之徵恒雨若
蘊此沴氣爲民殃忽聞鼓角傳呼起綵鷁華旌連數里
雞驚上樹魚入淵治河使者來觀水災民無屋編蓬茅
水中行乞方嗷嗷一時捕捉事官役遙牽百丈隨波濤

日暮歸來未朝飯倦身困臥泥沙滿我舟過此心骨酸
一夫不敢勞牽挽嗚呼斯民何太窮岸愁豺虎淵蛟龍
安得無官復無吏佃漁自給無豐凶

維揚舟中漫興

夾岸樓臺十萬家中流簫鼓度星槎少年不作揚州夢
莫捲珠簾看鬢華

白馬廟前江水深去年歸艇繫江濤重來又值西風起
古樹秋聲故國心

耆舊風流日向衰蜀江如帶抱城迴歐公去後平山冷
六百餘年堂未開

流光半百易飄零勝地經過眼倍青却憶畫船曾載酒
虹橋燈火散如星

丹陽縣懷方漸于

縣小門如寶舟行歷幾灣孤亭當日迥一水抱城閒市
晚空魚米濛荒只蒯管故人官正冷沈夢半應闌

吳江夜泊弔周忠毅公

岸有公遺坊

有明熹廟六宇昏貂璫內訂疆場奔八千女鬼亂朝宁
十萬生靈驅薊門長城自壞不復惜短垣旣渝誰與論
公持奇節砥末運救熊擊魏排羣言天命已去勢莫挽
芝岡竟誅璫不髡衣冠之禍蔓衍急狐鼠之奸依憑尊

夷貪阬廉亂黑白清流賊死空煩寃曹欽程疏旣捷捷
許顯純獄尤狃狃一丁不識豈足責助虐乃有瀛王孫
小人禍國身亦敗贈官賜卹褒忠魂華表依然鶴安在
城郭已改餘荒原人生際會不易得遭逢盛世如羲軒
維舟憑弔楓江晚陰燐漁火寒星繁酌公一卮志行惻
井泥不食聲當吞

入關日喜晴

虛檐秋雨徹宵鳴乾鵲朝來恰報晴初日雲霞皆瑞氣
西風鼓吹有歡聲看場人海波爭湧貢院賢闕路轉清
曾是東坡校文地湖光山色不勝情

初入口雨竟夕不休諸生霑濡良苦悵然有作

秋陰浹旬過朝暎恒表裏海堦氣卑濕霖霖終未閒飄
灑遂竟日入夜淒風催塞默念諸生冠袂同摧頽青瓊
亦已舊雨立真可哀橫舍怒潦奔古墻崩青苔豈伊變
化期經綸乘雲雷居貞乃建侯勿使剛柔乖感事憶疇
昔秋駕吾屢回釋褐一紀餘持衡四掄材

君恩洵渥矣臣職惟欽哉何以謝諸生冰雪無塵埃秋陽暴
吾誠江漢濯吾懷氣類必相應六琯飛葭灰會當有神
物鱗鬣騰天街

同考諸君置酒湖上晚歸用東坡湖上夜歸韻

公事困旬延休暇憐日長快哉鎖闥放及此秋風涼湖
光正澹沲山色尤青蒼同心慶得人辛苦各已忘張樂
湖山閒喧闐歌吹香人生貴自立功績闕存亡如山屹
武林如水滄錢塘文氣辨龍虎字畫分魚鱗與觴面不
慚烏知斗石強相與窮日夕酣嬉歌明良

西湖公讌再疊前韻

旌旄繞城郭翩翩湖風長輕陰冒兩峯畫艇來微涼張
幄散波影嵐翠日夕蒼承平盛典禮慶澤安可忘西湖
有桂子雲外飄天香求賢古所重得昌失則亡禮成合
嘉樂簫鼓咽迴塘日暮散車馬穿林驚麋鹿歸途詢僕

夫城闌數里強頗聞路人言斯舉真賢良

朱可亭前輩招飲湖上竟日三疊前韻

飛蓋屬公暇泛湖愁道長侵晨催艇子瑟縮朝曦涼平
湖倒山影歛仄酒遙蒼勝遊得佳日簪組誠可忘攀桂
有新馥舉蓉餘夕香窮探歷奧曠憑弔感興亡自蘇昔
經營深澤留陂塘風流寄魚鳥逸情迫麇麇祗覺古人
遠焉知來者強何當繼斯樂景美辰方良

舟過斷橋次白樂天韻

孤山遙望倚晴霞一水橋通掠岸沙陸敬輿忠應有祀
林和靖隱本無家黃分舊綠憐楊葉香帶微辛愛蓼花

爲報畫橈須緩緩要看荒蕪遶隄斜

六一泉懷歐陽公

百歲如風狂豈足較近久吾有不亡者乃與霄壤壽君
看六一公有泉著清澗當其觀化時轍跡此何有乘雲
眞天人海嶽一涔阜疇能仰止深山僧與通守遙遙七
百年且暮適卯酉烏用沉水碑辛勤求不朽

合澗橋用張員外韻

兩澗煙霞外一橋山谷間白雲何處遠流水幾時閑

飛來峯

舍舟而陸行山閒秋光蕭瑟林木殷溪迴澗盡得奇阜

秀髮瘦透無餘頭去膚存液露筋骨推施摩天巨刃爲
剗剗吾聞南帝曰儵北帝歎中央混沌真氣猶全完日
鑿混沌一竅七日死乃知天施地生不容人力相闢奸
異哉西僧慧理強解事云是中天竺國靈鷲飛來之小
山九州靈秘萬巖壑豈必夸蛾二子東西措注參戎蠻
金陵地肺自穿穴匡廬石耳誰移遷尾閭沃焦泄東海
噴出火敦腦兒爲河源玲瓏大地若人一身耳腸胃舒
瀉血脈相迴環偶逢異境作誑語智者一笑慙發顏浮
屠善幻豈足辨佳遊莫住良可歎

王事有期不獲已役車駸駸心復還西江舊是山水窟洞天

福地泓崢蕭瑟飛仙所盤桓芒屨竹杖亦易辦安得投
簪解組息陬還其原

冷泉亭茗飲

溯溪極幽阻臨澗耽澄渟荒崖小駐足奔溜迴寒汀翼
然矯孤構有亭虛不局仰窺檐宇碧斜映鬢眉清紺泉
繞履鳥寒溼秋冥冥素沙漾早雪文石羅晨星頗聞唐
宋時驚湍轟震霆往往汎輕槎蘭茗迴鷓鴣歲久陵谷
改一鑑餘清冷山僧掇薜芽新汲引玉瓶煎烹調秘製
微啜翻前經蠲煩析吾醒薄醉倏已醒坐久耳目靜鳥
語何丁寧天影入蕭瑟地氣含芳馨夕陽散車馬歸旌

安得停古來宦遊跡流轉疾蓬萍出處既殊勢喧寂非
一形雲蘿失暮靄顧瞻懷山靈

靈隱寺次東坡和李杞寺丞韻

山之靈靈在湖清波阻絕紅塵無一溪滌洄千跳珠山
深無人山鳥呼安用梅鶴爲妻孥茂松清泉良可娛人
生快意纔須臾擾擾青紫煩拖紆不如歸隱山中廬山
靈可偕隱不孤冷泉激激鑑髮鬚未秋先零愁柳蒲湖
有漁子山樵夫採山釣水忘日晡落花敷坐紅糴瑜青
山列屏新畫圖不知富貴能幾餘蔬鋤藜藿麥種蓮瓶
盎有儲租不逋隱者之樂誰能摹

韜光寺

芝蓋亭前塢籃輿度小溪修篁雙岸合豐草一橋迷磴
引垂垂石山盤曲曲泥迴峯窺翠堵半嶺得招提蘿徑
行猶止松堂降復躋坐觀池涵迸平撫夕陽低海氣東
南黑山痕遠近齊薺林橫翡翠豆舶點玻璃覽化宜長
住耽幽得少稽茶瓜遊客住卷軸老僧攜訪古論遺蹟
徵吟出舊題靜聞花鼠墮閒聽竹雞啼靈隱惟龍德光
韜亦鳳兮咏歸聊破寂吹萬和天倪

九月二十日吏部文至奉

旨陞補內閣學士兼禮部侍郎紀

恩二首

寵命驚聞天上來，絲綸閣下媿非才。
十年豪素追隨後，萬劫文章校閱纔。
紫禁瞻

天今尺五黃扉贊，化近三台秩宗更忝頭銜貴報

國維清與直哉

憔悴西江一布衣，遭逢應羨眼中稀。
九京敢信虛阡表，八座聊爲報斷機。
併與門墻增氣概，莫論輿從有光輝。
此身許

國歸何日親舍南，雲望裏飛

敷文書院文謙呈朱都憲汪學士二前輩

西湖絕勝萬松嶺跨壓湖江臨萬井石奇樹古氣盤鬱

規作精廬信雄整傳聞舊是報恩寺佛火僧龕亂清景

有明賢者周參政名木排壘崇儒功德永萬松舊額意

不薄礫柯良材出新穎意將顏樂此中尋不知曾唯何

人省顏樂曾唯舊時二亭名

國家文教四漸被虎豹爭蔚炳自然金玉易追琢豈

有虛僑煩紀消

賜名敷文大化成地僻生徒氣閒靜坐見文學抗鄒魯肯使

毫釐誤燕郢中丞舊是金閨彥節鉞東南許專乘政醇

治古先教化若望治金表正影翰林學士謹文律墨守

師承孰敢騁八年學政用一法汲古殷勤贈修綆拔茅
以彙士氣奮鄉錄聯翩快先領浙士百二十取一書院
諸生七十中式者十四
佳辰良讌清秋高四美已具二難併歸驂儼路重踟躕
烟裏鐘聲出南屏

舟過蘇州謁座主吳南村先生墓

蘇臺樹晚逼秋聲舊德淒然下馬情短碣未題前進士
辨香空拜老門生寒溪宛宛東流急斜日荒荒返照明
聊展墓田留薄俸鴟梅斧棘忍縱橫

班劉志畧事辛勤三殿編摩日每矚毫翰關心消歲月
縹緲過眼等烟雲

九重屢降咨嗟語兩制猶傳鉅麗文獨有牙籤久零落長安

碁局漫紛紜

當年玉尺凜圖球江國文章自校讐共信公明懸藻鑑
誤將菲薄占殊尤追隨七載金鑿夢髣髴三生玉局遊
今日崔羣頻典試陸莊荒盡不成秋

儲中子同年拏舟來訪喜而有賦疊用宿遷訪徐壇長
韻

冷官昔同困處陸煦以沫云何廊廟姿忽作江湖別升
沉偶然耳豈必巴有關疑謗漫推求此意亦已濶覘見
雨雪消霧散天宇豁所嗟者作材陳力肯就列往局重

記省來者孰津筏三長君所擅一得吾頗發晨趨殿角
露夕散馬蹄月相須左右手忍此交臂失邂逅喜同舟
出處未殊轍終爲斯文起毋使大雅歇補袞用天章彼
哉線拆襪何時四嶽雲一聳九霄微

南濠訪陳彥瑜

去日流光渺逝川胥江離夢鎮綿綿雲霞舊侶還重過
風雨懷人已十年朱勃才慚通籍早梁鴻交憶賃春前
掃塵惆悵南州榻異姓他鄉骨肉緣

羣材乘運屬休明空谷幽蘭處處生誰遣旁觀閒巧匠
自慚平進到孤卿心知南國無雙士耳熱河梁第一聲

此去京華獨回首江東千里暮雲平

喜晤劉定巖明府仍次廬陵奉懷韻

歲晏

王程急故人相見稀久要還暫聚北客更南歸
月暗燭花爛霜寒楓葉飛莫將岐路淚沾酒逐臣衣

無錫舟中

百里延陵路寒溪浸夕曛篁深交浦澈草淨絕塵氛
一棹破烟渚萬家臨水雲坡公曾眷眷信美憶前聞

鎮江大風阻渡次東坡大風留金山韻

三過中冷無一語應被江神怪虛度帆檣裏裏來江干

故遣橫風驅疾雨金山顛沒如鳧浮天吳歌歎冰夷舞
秋蟲時鳥自吟咏變滅隨風何足怒名山大川摹繪拙
翻似海潮與江迥詩成投筆酌苦露鎮江酒名醉聽逢逢發
船鼓

禪智寺

禪智千年寺興衰逝水過危坊臨大道老屋倚層坡口
晏秋陰逼荒遙野色多空傳遊賞盛無計墓田何
宿遷訪同年徐壇長卽席有作

萍踪泛泛逐星槎君亦新歸道路奢楚澤南遊雲不極
浙潮東望海無涯青尊今夕餘情話阜帽經時感鬢華

莫怨西風歌燕子年年猶傍故人家

郟城縣

昔去荷花好今看敗葉疎江山南北異歲月往來餘路
識馬陵險城傳少昊墟三何競東海人物近何如

沂州

車輪無角走黃埃慚愧沂州數往來見說兩疏圖畫好
何時還訪散金臺

蒙陰縣望蒙山

岱宗齊魯青未若蒙山長連綿百餘里雲氣何茫洋峰
巒半隱見陵谷爭低昂遠虧夕照影凍合修溪光誰種

金芙蓉敷萼青天旁涉江不可采瞻望徒徬徨何當輕
輪蹄莽蒼宿春糧一窺靈秘跡巾袂烟霞香水簾作天
樂琮琤如笙簧且夕洗塵耳人事良可忘

耜陽道中

十王秋隴平悠悠出山路風起不逢人夕陽滿高樹

擬登秦山不果悵然有作

少年好作名山遊危峰絕嶂窮搜求一墮塵網失此樂
行見林巒意蕭索天孫之山五十盤東觀日出西長安
不知日近長安遠日與長安俱在眼擬尋環道凌八荒
齊烟九點同茫茫朝遊神房暮阿閣玉几金床聊可託

神仙之事誠虛無登高望遠心所娛役車四過不得上
對此岩岩獨惆悵泰安旅夢四更餘車鈴琅琅催僕夫
夜火縱橫照山谷田父燒香去相續此曹豈識山水情
却上天門窺太清終歲之勤一日澤孳婦攜男來絡繹
試持毫翰校耒鋤耒鋤應笑毫翰疎

崗山驛

岱麓東趨海餘坡尙北侵泉深泥滑滑風勁日陰陰馬
力盤危磴人烟出遠岑共欣前路好緩轡向平林

盤村口古

曲徑疎林老屋野橋流水寒溪十里斜陽共遠一聲山

鳥自啼

齊河縣

瞻嶽餘青影前驅到祝阿軒轅有苗裔封禪竟如何古
堞烏啼屋長橋虹臥波惟應照衰鬢清澈是齊河

黃河涯

滄海紅桑變千年旦暮過行人間指點此是舊黃河
水落空餘岸風迴祇有塵酒家漉新釀疑是泣鮫人

穆堂初稿卷之十四

臨川李紱巨來

河上草

上

出京

霏微小雨出京華
遙指桑乾水一涯
上國緇塵看漸遠
西山青色偶然遮
自疑祖述雞聲惡
豈怪歐陽馬首譁
黃閣烏臺竟何事
牛車野店漫咨嗟

盧溝橋再用王泉坡先生韻

身世浮沉兩謬悠
且將公論付千秋
祇知國事如家事
敢怨清流向濁流

永定河水濁
一名渾河

率野有人歌兕虎
還原

何日賦優遊此行道德經須註河上公猶有敝裘

謁張桓侯廟

古來萬人敵熊虎推關張蛟龍得雲雨漢鼎迴天綱嗟
侯國士風史冊知微彰斷頭不可降嚴顏何倔彊欣然
釋其縛斯義日月光賢哉龐士元驥足困求陽簿書轉
手空股勤通薦章後世愛輒美何人思見剛賢恐不爲
用媚嫉投遠方下馬揖侯像屬僧陳辦香韓子祭田橫
賈傅弔沅湘百世偶相感風義曠能忘却立松檜問欲
行猶徬徨鴉翻夕照亂前路方茫茫

松林鋪喜雨

秦晉魃爲虐齊鄭仍滌滌流轉到畿輔

九重屢側席我時備庶正神舉卒圭璧徒然散友紀未足紓
農力今來問水濱稍謝霖雨責顧瞻鴻雁哀嗷嗷溝中
澤出處跡雖殊如惓憂敢釋此間古督亢沃壤聞在昔
柴車息野店近午日猶赤須臾雷雨作滂沱到晚食快
矣天地解粲然草木坼門外成江河滔滔渺無極野老
來抃舞秋田庶可獲我始爲僇人謫所去咫尺豐凶米
貴賤遷客凜朝糴豈惟憂民憂亦自關喜戚今夜土銜
涼清風恣枕籍僕夫得美寢明發東方白

楊忠愍公祠次喬介夫題壁韻

國運汚隆屬秉鈞猶賢嘉靖亦紛紛孤生分作當門草
一死難容同器薰焉用顛危陳彼相祗知明聖是吾君
至今髡怒張如戟立懦風應百世聞

異代依然廟貌尊凡亡真信有吾存已偕龍比同爭烈
不效甘陳更訟寃舊夢箭韶空志樂早歌虞殞竟歸元
由來闔闔迷難叩虎豹狺狺帝九門

保定旅懷

于役畏簡書保陽漫淹郵行止聊因人安得計遲疾鴻
鵠翩已鍛麒麟足早繫世途多險巖變化不可詰蒼茫
望城闔夕景忽西沒徒見青山在已媿白雲出川父荷

鋤歸笑語西成必雨餘良苗新安得同觀銍

總督趙公餽易酒

獨醒豈能醉多憂不易消偶然煩地主聊以永今朝
冀北風猶古長安日未遙何人歌易水六月已蕭蕭

保定西郊水漲

乖龍泥蟠西山陰半年焦灼無甘霖風雷一夜驅出谷
驚濤駭浪高天沉保陽城西數椽屋我逐旅人來寄宿
臥聞猛雨徹霄鳴檐溜橫飛鬪新瀑五更欲未聞號呼
水來入閫衝城隅睥睨倒翻萬磚墮民居震壓飄雞鳥
老槐作勢攪風霧密雨霖霖未肯住我廬頗高猶恐沒

更結蘆棚向高處平生陽剛陰不宜羣疑眾謗河之麤
偶然三宿困艱危此事豈亦人所爲東坡災凶信命分
坎止流行何足問共憐激搏懲前勇相勸浮沉學新鈍
明朝更向永定河向來潰決今應多舉菱下石有成法
無錢可塞將奈何嗚呼無錢可塞將奈何

水涉二十里至徐河橋

出郭已無路臨溪尙有村高低隨馬足左右占人言岸
仄波光碎沙暄黍氣繁殷勤從野老相導夕陽昏

清涼寺觀決口

天池潛伏山谷間奮出馬邑爲桑乾萬峯雄束不得怒

忽瀉平壤成驚湍東奔西突縱所性莽莽悠悠號無定
曾衝京邑明所爭漫掃盧溝今亦病千年一清途

聖人懷山襄陵同憂勤排椿列石立兩岸直汎析木趨天津
錫名永定功何偉官成森陳備傾圯偶有漫流身不移
廬舍桑麻三百里今年伏汎浮空來氣如風雨聲如雷
清涼寺隄九十丈洪流南溢無津涯小梁大梁炊烟歇
雜沓輪蹄舊流竭菱薪萬束勒河轉馬逸迴韁舟舵捩
從來河工惟築隄賈讓上策今誰施非常之原眾所懇
日暮荒濱空爾思

固安知縣艾君餽鯉

三十六鱗神變化桑乾佳種更難尋忽煩令尹烹鮮手
暫慰羈人結網心困鬣摧頰猶潑刺遠書珍重幾浮沉
鱗魴九罟吾何有他日西歸憶好音

固安城西晚眺

荒城日暮多輕陰京華遙望秋氣深景星鳳凰滿臺閣
孤雲野鶴歸山林五千未讀失反樸半百垂及宜抽簪
區區誓墓亦何有慚媿江湖廊廟心

曹家務遇雨

蒼茫平疇秋雨騎禾黍掀舞從風飄我行悠悠馬蕭蕭
人生于役百罹集羝羊觸籬魚中鈎

昨日陰雨行復歸歸途紅日中天垂今來無雨還淋漓
天意陰晴且如此人事飛沉安得知

四年三奉皇華使萬里迢迢敬王事櫛風沐雨誰能記
今年放逐爲此行境地參差風雨異

喜裘魯青過訪

三年京國夢華餘那信相逢向此居舊雨來人誰在者
浮雲世事獨歸與曾知杜牧能傷別已許興公得遂初
有約桃花山下路春風騎馬訪林閭

暮過廢阡感賦

夕陽欲沒西山高夕烟冉冉生蓬蒿豐碑歆仄見荒冢

颯颯驚鼠狐狸號翁仲沒腰馬及腹滄桑變滅無堅牢
路人指點盡貴仕尙書侍郎冠六曹顯榮輝赫誇祭葬
推恩數世絲綸褒奉天誥命龍苑轉華表石柱雲礪竊
當時自謂有功德追逐周召參夔咎百年未幾竟寂寞
豈無孫子陳溪毛頗聞樂卻降阜隸墓田莫守從犁薶
毋乃才行不自量薄功厚享徒貪饕三德六德古所辨
師師在位皆賢豪周官宅俊 遠如花飄落隨所遭
榮光過眼等飛電空留遺跡爲營營我才本薄幸早斥
馬初脫轡鷹解條官守言責兩不及歸尋農圃相嬉遨
何人患得復患失江河日下方滔滔

咏寓庵草木二十一首

槐

夕陽散危葉
鬢鬢色藥黃
晝吟感新蔭
夏課慚昔忙
孤蟬一何警
蕭然來風簷

棗

葉光何粲粲
晴色明虛園
繁實競秋夏
零落聞朝昏
含章惜有隕
芳露滋華根

梅

壞葉綴輕條
本枯花未實
空懷雨露施
獨抱風霜質
想見春雪餘
寒英耀羣蟄

桃

有苑彼柔姿乘時晞恩光
葳蕤蔽繁圃灼灼懷豔陽
瓊報匪所稱黍雪毋乃狂

海棠

孤幹失姿媚厚葉黯深碧
曾知西府名舊與東鄰直
陽春三月時傾城驚國色

丁香

春風扇陽和紫素含芳姿
炎曦流赫景柯葉徒爾爲
惟應陰雨中寂寞餘愁思

夾竹桃

朱英出織穎明豔宜春深疇於佳人姿惜此君子心花
失所愛慨然同古今

杏

名園昔載酒千株倚朝霞綠陰已時晚芳林空日斜悔
騎曲江馬還看長安花

銀杏

陰陰綠牡丹多葉殊婉弱初疑粲鸚羽矧敢輕鳴脚柔
條意所歡筐實亦已慙

石榴

照眼餘榴花粲若紅裙爛彼姝儼正色好紫適相嬾惜

哉萬里根霜露歲先晏

薔薇

外刺得正性繁英有恒秉受命良不遷含芳惟自警四
時同一心獨秀誰當省

芍藥

惆悵送將離東風今幾度空餘數株葉却憶三春暮沉
吟當階句青瑣隔煙霧

百合

剛克葉刃嚴黃中花色正雨侵剪詎斂風撓氣猶勁空
庭孰寤言茲植吾所敬

玉簪

疎葉不自斂
離披散庭戶
素心耿冰雪
含意感風露
比德洵所重
高冠憶風度

蜀葵

翹翹一丈紅
修幹殊丰茸
欹危壓繁露
漂泊驚狂風
豈無傾日誠
陰雲方溟濛

鳳仙

沿牆花未黃
邴邴列諸娣
敢矜弱豔冶
未覺直嫵媚
寸丹如可效
靡質非所忌

雞冠

衆葉攢孤花爛若朝霞舉戴冠身旣文獨立氣何武秋
風洵嚴厲亭亭自軒翥

芭蕉

庶草漫纖弱惟蕉偉丈夫崢嶸起孤地掀舞當庭隅誰
言綠天材蕭條徒種書

澤蘭

彼澤有微植託名附幽蘭木本已非類紫花聊復繁豈
知空谷姿孤芳終不言

蓼

託根草澤餘庭除漫雜襲瑣碎繁英侈酷烈秋氣餘

慈子豈能辛螯從所集

茗

叢發誠非材
雨露深繁敷
翠羽眾所集
青葉誰不如
庭宇有塵埽
猶能供掃除

移寓窰上村
土屋十數家
皆農民也
作田家三首次柳

州韻

晨起驅牛車
鞅鞅綠荒阡
雨重黍禾交
彌望惟秋田
徑衝隔梨棗
啞啞啼烏鳶
腰鎌荷黍歸
老農欣有年就場
守積禾蓬藁
還高眠臥看
于役子問途
方悵然

渺渺向茅茨
到門日將夕
雞犬滿墻屋
棲宿已歷歷
燒

艾熏蟲蠹掃塵落空壁西舍橫木榻聊用布衽席里老
陳樸辭荒陋凜訶責此區幸歲豐獨私天公澤稔結塞
庭戶農人就枕籍刺促妨官長鼠雀耗可惜一笑謝主
人我官已陳迹

逍遙登廢窯土阜勢盤曲却望閭水寒清秋湛深綠我
徒閒農行我馬雜牛牧鄉閭洵醇樸宛若親串熟聊復
事饗殮忽已忘信宿投荒向水濱謀野得平陸苟無飢
與渴新粟夜可粥

雨後曉行次柳州獨至愚溪北池韻

天宇喜澄霽遙烟識村塢人行鳥雀喧驚飛落殘雨濕

畦良可耕已約居停主

晚登廢窰望西山

夕陽欲沒山半銜西山深碧如潑藍餘霞爛熳散奇彩
倒映岩谷爲烟嵐橫鋪錦帳連百里直舒青玉排千簪
有如韓姑從諸娣邴邴高髻行相參又如天馬破空下
三千驟化驚趨趨首垂太行過上谷尾捐碣石環東南
迴抱

帝京聚王氣蔥蔥鬱鬱神所監此中侍從踰一紀忽然去國
遊江潭非材竊祿本非據投畀寂寞誠所甘無端越次
領臺閣

殊恩未報寧無慚他年江湖憶魏闕北瞻惟見雲曇曇

莽牛河

良鄉有河曰莽牛清泉十道來交流渾河相望越阡陌
何人贊化抒嘉謀疇昔河工日咨倣

鸞輅親臨求底定濁浪捲沙三百里壅闕河流數州病疏濬
排決力莫施以水治水世未窺

帝曰莽牛河可用借清刷渾功最奇萬夫畚鍤如雲起兩水
中通纜數里迅捲泥沙出柳埝比似黃河貫清濟我來
修隄河之潰增卑培薄聊辛勤隄高水壯氣乃怒如火
烈烈奔燕軍隄柳陰森秋未老今年秋汛落猶早幾時

啟開試神力牛兮努力食細草

金門關

河流蓄洩關所司莽牛河關工不費以石易草回啟閉
帝有勞臣能爾爲磨礪巨石立兩岸鈎貫精鐵橫深池采薪
作埽護隄岸洪波衝撞安不危只今經歷幾寒暑手種
楊柳皆十圍綠陰掩映倒寒碧微風披拂迴漣漪烟村
露渚望不極洋洋心曠神交怡山林之姿麋鹿性寬閒
寂寞真相宜便擬築亭舍其側江光山色從酣嬉量材
受職百不稱乞充關吏猶庶幾江潭之放亦

恩命往從彭咸寧非癡

秋夕旅懷次太白韻

西風怒終夕鴻雁晨驚飛問雁去何方隨陽識所歸芳
草失故綠新月無前輝大火久西流天涯感征衣豈惟
道路艱已覺書問稀徘徊望南雲憂來安可揮

中秋見月次二蘇韻

長天一碧星斗高兔東方出明秋毫浮雲散盡微風動
青楊白楊如波濤寂寞之濱宦遊子兼葭蒼蒼溯秋水
忠信不顯良獨難聞歌始悔東山起百年倏忽跳雙丸
范滂終媿申屠蟠澄清底事漫攬轡瓊樓玉宇長高寒
南浮漲海東踰汴三載盈虧人事變忽捐文字棄柔翰

却向隄防催縮版風景不殊惟河山人壽豈有金石堅
笑驚昨夢作時醒知向明年何處看一尊眷戀秋光好
回首春暉慚寸草空閨虛幌猶獨照鶴髮貂裘今亦老
山中有月莫言貧山中看月多幽人歸向山中看月出
出當作色出與客古韻不相通宋人韻學疎姑仍其舊耳遲歸已媿山中客
晚霽眺望至昏歸而成韻

殘陽散庭樹步履遊荒原陰雲尙與沒翔雁西南翻憑
高望霄際千里來山痕娟然出新沐霞采光爛爛渾河
亦楚明浩泚沙尾奔新隄淨無塵斬斬林木間牛馬過
隴阪雞犬登樊垣西村暮烟亂東舍夕語喧卽事暢孤

覲感物成永嘆諒非事役車焉得窺園田生平有定分
去留從所安任運得閒適意必徒煩寃夜燈出土屋掃
榻陳簡編濁醪有餘漚還復盡一尊形魂失拘梏獨寐
寤勿設

聞臺灣收復喜賦五首

荷蘭千古不來王

聖德如天被越裳久謝魚龍歸版籍忽聞狗鼠起蕭牆高陵

伏莽興無地橫海洪波濶有洋見說乘風披鹿耳

鹿耳門爲

臺灣 溢口 總戎三捷已飛章

聖人廟算燭幾先浙帥移麾

詔旨宣內地人心羣鎮靜海中賊勢已孤懸釜魚籠鳥終何
事鶴唳風聲尙赫然從此南中安反側

天威萬里海無邊

雞籠山下海波紅豈意鯨鯢更啟戎溫嶠絕裾餘至性
西平有子繼元功雲深籌筆懷諸葛風利樓船過阿童
須信封疆真重寄澎湖東望水連空

船卒製就趕繪成善水兒郎占籍行桂菌有名存海賦
沙蟲未化總軍聲盧循自恃夫容舸韓愈猶誇召募兵
共向鄱陵紀勳績百年武備未宜輕

二千石職最親民海濱羈縻吏要循斬木爲兵原不易

賣刀買犢豈無因前規好戒騎豬急後愁還求集蓼辛
更向法廉清化本建牙吹角是何人

韓家營早發

不寐愁明發聞雞已着鞭蒼茫望朝日迢遞起寒烟路
轉林光直天迴樹影圓王孫芳草盡秋氣獨淒然

北砦道中戲爲當句有對體

柳葉黃多楊葉稀淒清霜氣淨烟霏空悲往日思今日
猶怯秋衣况夏衣北砦近看南砦遠朝陽過去夕陽歸
此間行遍何人識自怪心衰髻髮非

登寓後三廢窯眺望至夕

斜陽下遠渚烟動波光發飄飄衰柳枝渾河半明滅
連娟遠岑碧飄落襟袂間無端忘日暮應爲看西山
晚得莽牛河魚欣然更酌

我家臨川南清池當庭隅施鼠罩錦鱗快若園中蔬潑
刺氣未伏呀呷紅頰鬚清泉抹葱溲鮮欲凌天厨搗來
宦京邸塵壤沮洳枯直沽三百里徒聞包有餘戢戢駢
薨蠶百死纔一蘇子遺置益益貴等明月珠官貧不易
致夜夢歸江湖忽投寂寞濱兩川夾田廬置身清濁間
俗呼永定河爲渾河莽牛河爲清河魚師與爲徒牖水得雙鯉夕陽金色
殊從以縮項鰠霜雪明肪膚蕭條重九節口腹逢甘腴

卷之十一
毋乃陽侯仁麤糲哀腐儒歡心續殘醉慙借衰顏朱此
意亦已足長缺非所吁清酣百不省木榻從遼遼祗疑
叩閭闔白龍翹像且

九松山望密雲諸塞

萬峯迴合鎖漁陽地勢天成中外防二十四關多險阻
三千年事幾興亡雲中巖吸長城出閭左參差古戍荒
惟有

熙朝靖烽燧碧霄無際雁行行

石匣龍潭

石匣西南十里餘靈湫百丈龍所居飛泉砢礮極冬夏

瀉落深澗如歸墟爭傳神龍禱輒見細若蠶蠋出波面
夏初妍暖尤恢奇導以雙魚或雙殿頗疑龍豈蜿蜒如
僕僕應禱爲人娛夕陽騎馬造潭側欲窮荒怪排羣詎
山僧導我出香幣石潭夷俟看龍戲陰風颯颯竟何有
落葉飄颻似魚逝僧譁猝指波濤驚白光閃爍龍額明
僣從譁張若有見余方睇眎無留形夕陽欲沒耿餘照
騎馬歸途顧相笑蹇余放廢江潭間龍亦欺人闕光耀
空山寂歷良可遊寒泉白石饒清幽神龍於我兩無求
龍不我見歸卽休

白河澗迎

駕

迴蹕三秋後迎

鑿十舍中

起居羣吏肅遠近此心同道左承

清問雲端望

聖躬江湖臣所樂戀

闕意何窮

同繆湘芷集萬字兆寓齋拈得歐陽公送任處士韻卽

席成篇

吾交兩江間北繆南得萬光天盛帝臣二子實黎獻羈

宦冰雪中餘事託文戰聚散十年夢航籌無算史追
遷固始經窮墳典徧酒酣出姦怪繩墨不能限省事屬
清華多藝猶少賤中冬氣栗烈擁爐得清閒投閒余獨
往洗裝子燕見共忘次山忌未責長卿慢俯仰感陳迹
飛沈忽異撰幸存濯纓樂敢望彈冠薦散木無何有逍
遙謝微譴方今

天子聖功大治亦辨禮樂要宜朗清濁須激勸行看揚太史
坐聽頌都諫

湘芷招同字兆夔颺小集闡題得東魚仍用歐公韻
觀水盛滄溟海物錯以萬維魚尤族繁珍乃效貢獻有

來東方美冰鱗出寒戰
蠱薨廡羸蜚稽籍不可算
敵人共鼈人厥任梁籍
遍遼陽太子河湛深東北限
就中魴時肥一貴凌眾賤
英英霜雪姿正色不容間此都

龍所興萬物欣利見蛙紫螭有黃瑣細誰得慢濡膾慎

內則講古撰而况非常才
夙昔郊廟薦頗疑四靈徒變
化帝所譴眾夢吉當占乙醜
累可辨下箸久逡巡感我
良友勸天物聖所哀杜老陳
諷諫

眼鏡

西域傳奇製昏眸得暫清
白他而有耀相隱以爲明
暇日吟詩興衰年學易情
頗君繼吾照未敢負餘生

穆堂初稿卷之十五

臨川 李 紱 巨來

河上草 下

壬寅元旦

輭紅舊夢落金闈 檠短更長起聽雞 兩院拜分堂上下

翰林院都察院堂上官每遇朝賀俱 七年班亞殿東

於中和殿前道行禮餘則列兩墀下 西 閣學士應列東第二班旋改兼副都御史列西第二

班 鳳池供奉逍遙早烏府論思獻納稽今日天陰紀雲

物荷鋤歸學帶經兒 全

側室周氏以去歲元夕病亡今又元夕矣因檢闈中感

懷舊詩惻然繼作

雪影依微思黯然悠悠心月幾回圓
躡燈空記傳柑節改火俄周插柳前
牢落官場辜北闕羈栖旅櫬望南天
如煙如夢人間世惆悵春風又一年

黑堡道中

黑堡連黃堡人家白板扉紫芽椿舉舉青眼柳依依
魏闕能無戀歐田只擬歸爲農飢亦樂昨夢已知非

讀歐陽文忠公集用公紫石屏韻

天地精華日流轉始盛於北終趨南
周公雅化布漢廣屈平騷頌鳴江潭
如星五緯自炯炯如山五嶽常巖巖

西江風雅有宗派淵源直溯柴桑潛於詩旣昌文未暢
十得五六遺四三平生寶愛六一集局鑰十襲重錦織
臺閣之體薦郊廟名山之業藏雲巖鴻篇短製一展讀
以古爲鑑光出奩當時手定五十卷刊落灌莽留松杉
李詩韓筆兩絕響惟公奇特才能兼朝吟夕諷口流沫
不知赤日迴睛簷起衰豈屬異人任嘗奇要共同心譚
吾鄉風氣喜日上一時豪駿相研探庶幾中興反先服
直追大雅排浮纖萬君文筆最峭拔法如荆國何森嚴
梁生魁壘擬子固兩馮駿逸追由瞻惟余澁僻學原父
偃蹇不入公鑪鉗漫憑吹萬發天籟不知元氣能包含

只今文柄久旁落楚圍先晉戎伐凡公文一讀每三歎
何人後死寧無慙敦盤共約續前烈方心可鑿肝可劓
京華長晝有餘暇罔俾專美徒鳴謙

咏芍藥用白香山韻

忽忽東皇老微吟小謝詩驚心相贈處回首欲離時當
夕猶憐早尋春未悔遲露方愁厭浥風故作參差艷絕
神偏遠嬌多立每歆綠衣看楚楚妬錦記絲絲束素綃
痕重添紅酒力支月團禁晚對雲彩屬朝爲粲者當星
戶靈兮蔭桂旗弱翻驚蝶翅輕顫惜蟬綫金縷歌難駐
羅巾淚併垂餘霞回頰暈長日減唇脂玉卮今如此珠

宮更訪誰迢迢經歲別
髣髴夜來期欄檻埋香質
餅泉寄折枝容華易銷歇
惟有此花知

閔雨次荆公元豐行韻

歲寅麥秋月望日端居憂旱飢
不出招邀朋舊卽我室
囊粟何由就口實投閒日對江河滔
陰陽燮理誰禹臯
巫者結股連其尻忠信明德憑溪毛

帝哀餓人嘉黔敖敕來來者勞其勞
在聞湯旱堯則水天災
流行古如此天地交而萬物通
上下交而其志同陽倡
陽和理莫窮哀雩安得回凶豐

鄉士惟月師尹日古人災沴謹所出

帝命修省相爾室應天以文必以實何人默效南宮滔孤鶴
欲鳴棲九臯飢時俯啄聳其尻譬彼九牛亡一毛敢安
陶陶招我敖蘊隆莫救心鬱勞誰能口吸西江水挹彼
洪波來注此一雨三日甘霖通霑公私田渥圻同人民
富壽無夭窮史書大有詩屢豐

七月二日孺廬寓齋對雨用昌黎秋懷韻十一首

伏雨連秋霖禾菽旆以蕤長安米如珠騰踊意未已階
護潤抽心庭楹溼生耳忽來好友招蕭齋飢色起蒸豚
得糝法故鄉風物似當食歎且詠神完中有恃欄溜晚
益怒泥深行濡軌上車醉不落聊慰衰頽喜

絲麻棄蒯菅姬姜棄憔悴荒寒出後時疏遠託非地
曠朝雲陰虺虺鬱雷恣夷則感秋律凜烈氣獨異惆悵
天地心陽和洵可貴

花膚半欲暗柳眉猶學曼朱魚上新水黃雀伺餘飣芸
芸天地間動植各有願先秋儼知警汲汲孰煩勸等差
豈亡辨生息共吹萬叅驗意或失靜觀理自獻代謝固
已然盈虛安所怨

地近或恐軋勢便常相凌營營變黑白天地多青蠅虞
翻誰與弔撲綠空復憎秋風振鷓鴣浮屠盤觥稜矯翼
趨八荒世網安得罾俯聞下士笑咿嚶吾不能

風勁鳴始喧露重蟬自警幽人耿不寐短檠覺夜永懷
哉日月除夙志暮當猛羸瓶不在早汔至絕修綆旁午
竟何事寂寞庶可幸餘生託六籍世累茲焉屏

偶然寄天地猶能愛光景外論豈足較寸心自同同秋
水灌河至土偶笑桃梗泥塗猶故我青黃乃狂騁豈無
三宿情繼見不敢請

昔聞京雒塵素衣忽復暗汶汶誠可哂皎皎豈足憾榮
華旣風飄高明或鬼瞰惟有秋氣佳蕭瑟存古淡吾賤
少所更吾窮不敢濫與秋同素心夙好久非甞虛車彊
自飾虛舟彊自纜平生多忝竊得失自較勘不見揚子

雲執戟家無旆

使滇騁逸轡祀海乘危軒却觀錢塘潮海立山爲奔西
風吹馬耳一過豈足言維秋繼春後秋復居春前春秋
猶朝暮暮息朝當餐結習祗文字零落昔未編皇皇三
十載簡點浩已千後世誰定之作者心自酸晨清一展
旆夜涼猶未眠力薄不逮古庶幾假我年

玉關秋益寒隴水秋逾乾燕然紀洪伐劔刻青琅玕弓
勁馬驕鳴千堡夜方圍誰飛魯連矢坐使天山安金微
無軀宛青海無波淵閉關謝絕域西封一泥丸

聖人垂衣裳壯士休征鞍

賓鴻警新夢社燕聞離聲空庭惟積水星漢搖虛明鄙
懷久未察含意豈不誠險固非所知坎亦未易盈歸念
忽中熱有如不戢兵白雲滅青影瞻仰依南榮親舍遠
不見羈孤誰所令

蘭秀菊有芳鱸肥蕓更好三徑信可懷歸耕苦不早直
木忌先伐斧斤誰相保躊躇忽動色顏髮日枯槁西風
何所思所思在遠道

卽事戲呈友人

秋爽新來繡閣宜天孫催赴過河期自言應奉煩荆寶
肯後芳時怨牧之屈戌隱燈風盪盪流蘇當戶雨絲絲

散人十載江湖跡怕訪支機惱夢思

七夕次劉賓客禹錫韻

碧海冥冥遠銀河脉脉斜自疑經歲別虛駕七香車
纖月漫修斧客星猶犯槎人間有風浪長恨渺何涯

漸臺瞻望久虹霓未成橋座已移雲幄聚仍揭斗杓通
辭抗瓊瑋分淚濕鮫綃須女誰言賤黃姑只自遙

萬編修以七夕不寐四首見示敬和元韻

夜遊三令節剛到鵲填河月色中秋近燈光元夕過步
檐看素練秉燭照紅羅不寐惟余耳君歸恨底多

相期遙隔歲相望阻明河風雨知誰作江沱不我過鵲

應能勸駕鳥自畏張羅何用相連愛空餘采縷多

降來居小水別去豈長河共有停機約何妨輟棹過長
惟教作珮織自不勝羅萱草終何事郎君塵土多

戴勝辭縣圃吹笙下絳河青鸞驚忽至白鶴暫相過人
世望何極天厨品自羅飛仙如夢寐情想定誰多

萬編修疊用七夕韻復成八首見示感事雜書戲爲十
六首奉呈藉取笑樂

佳期尤阻漢吟興擬懸河共有千秋業相看七夕過蛛
絲新宛轉蠶簡舊爬羅不是閒情惱君詩那肯多

尋常爭失水升斗望監河一逐湘纍放重看織女過燕

方辭屋去雀許傍門羅舊雨猶堪約來人不在多

情深君誓水詩勇我憑河便擬蘇黃派高歌趙李過星
期看爛熳花曆紀婁羅開口聊成笑一年能幾多

虹瑞將纏斗榮光已塞河歌堯閒不事訪戴興來過專
巧從鞦韆深衷付叵羅載賡君勿訝辭媿躁人多

聞道天兵出西踰大渡河崑崙應不遠牛女或經過地
水三軍律天山萬騎羅敢叅乘障議得算廟謨多

穀微曾鬪洛沁小亦凌河乘漲千菱下橫流一葦過歐
文矜賈魯韓族用新羅試問銀潢塞雕陵鵲幾多

芻粟全輸塞菱薪急助河西園朝斲入北里夜相過心

計高乘孔班行盛卓羅墜雲收五寶未怪九霄多用李真如

七夕事

步虛傳賦咏臨代謝山河用魏僕射七夕事 磨蓋曾敷歷蓬萊

昔屢過飛鳥空繞樹鳴鳳已驚羅回首三台遠五雲空

復多

東行岱宗麓西渡的澄河一雨將秋至千燈照夜過余

酉七夕貴定值雨庚子 齊風原颯颯唱意羅羅舊夢

天涯路黃梁一枕多

織囊自終日牽牛長飲河南箕一以簸經歲禁相過貝

錦妨親貴網鉗張吉羅讒毋投有吳天上向來多

韓方推北斗歐亦比洪河舊日羣兒謗浮雲一點過帚
寧矜自享金未鬻旁羅織女襄誰著經營何太多

狂瀾迴不易日下感江河鶴恐歸難定

王子喬駒憐隙
七日事

又過詩篇消日課文史浩星羅人海茫無際清吟誰最

多

蟬魚乾散帙蚪蚪落文河儉腹書慙曬高軒客且過鬻

真同棄擲購已費搜羅

余方賣
書具炊

臧穀今何辨亡羊岐路

多

靈匹虛瞻漢浮嬰漫指河驚心遺挂在彈指舊歡過元
草悲楊子春花損阿羅中年易哀樂時節感懷多

抱拙爲吾病天孫空渡河張旗帷璽降弭節肯相過纓
弁臣心肅果蔬祀事羅大圓規未得巧讓世人多

目斷雙魚影腸迴九折河微疴消夏去佳節感秋過身

世憑菴隱吾生識雉羅故園新稻熟猶勝黍糜多

風土記云

七夕爲黍糜余方病起日啜小米粥

中秋小集用昌黎八月十五夜贈張功曹韻

逐臣西放桑乾河駕天秋汎酣驚波雲消雨散月初皎

中秋歸讀昌黎歌削瓜飮果濁醪苦草榻來人皆舊雨

誰踣地厚跼天高且以永日無永號人生安樂與憂患

至宰一定難趨逃掀肩快飲肴核盡兔首可酌忘膏腴

但饒五斗餉學士醉鄉欲老王東臯古來行役去故里
尙愼旃哉來無死昨聞州牒祈放還疎慵不敢叅清班
豫章百丈巒出地媿隅數寸依南蠻他年中秋占月色
陰晴一氣千里間白露橫江不可接虹橋已斷寧更攀
爲君試作山中歌絺衣可挂頭可科紛紛涼月山中多
知有月莫知其他月光入杯如樂何

詩成泛論文事疊用前韻戲爲勸學歌

文章日下猶江河中流誰與迴頽波佳辰相過卽良宴
搖毫擲簡爲詩歌平生不識吟哦苦興酣落筆如風雨
亦聞誠至無堅高弓所未發猿先號山崩於前色不變

麋興於側目不逃樂和自足別宮徵膳精乃以調薌臊
要將立言比功德肯慙顏孟輸夔臯斯又未喪在闕里
二千年來誰後死上追姚姒殷周還莊騷左國司馬班
韓李歐曾主文霸元明作者猶彘蠻諸君奇才各挺出
羈臣牢落叅其間願窮經學紹前烈丹梯萬丈終可攀
我狂載麋勸學歌我歌當罰君毋科醉人謬妄古來多
讀書自利亦利他有書不讀如老何

重九雨後小集次謝無逸絕句三首仍用潘邠老起句
滿城風雨近重陽怪底雷車走阿香應爲詩家急催付
競題糕字鬪劉郎

滿城風雨近重陽回首鞦韆樓著作郎漫把寒花紀年歲
籬邊四十八番黃

滿城風雨近重陽帝里親情共命觴却望南雲天不極
飛鴻如燕雨三行

疊無逸韻改用潘句作第二句

聞道黃花晚節香滿城風雨近重陽自吟歸去依陶令
敢賦郊居學沈郎

好友相招醉索郎滿城風雨近重陽鬢衰又勝去年白
花老莫愁明日黃

爲愛長生菊泛觴滿城風雨近重陽葛坡龍去青天遠

知在仙班第幾行

感事三疊無逸韻倒用潘句作結句

篋衣空閉舊熏香誰製萸囊更贈郎早爲舊人愁舊節
滿城風雨近重陽

茱萸佩遍愛諸郎五馬無端失小黃回首清明怨寒食
滿城風雨近重陽

澄醪玉醴萬年觴敢賜鴛行與鷺行百里江湖懷魏闕
滿城風雨近重陽

題鋤菜圖

綠繞書帷露氣暄更無風雨到閒門世間多有鋤菜手

抱甕從君學灌園

三隱潯陽近有無故園三逕久應蕪勸君莫爲絃歌出
細雨春深日荷鋤

輓潛山趙烈婦胡氏

鴛故憐雙宿鸞應怨獨飛自甘心斷草併謝首陽薇一
死誰能奪三生識所歸何須望潯嶽天柱此巍巍

幽蘭詩爲何貞女賦也貞女山陰人字朱氏之子未嫁
而朱氏子殤貞女歸朱氏用古禮服斬衰立從子爲
後又十有八年乃卒年三十有四矣士大夫哀之爲

賦詩焉

有幽者蘭生於空谷陽陽其光載芳載淑言將采之日
月方與

有幽者蘭言樹之庭未見君子載芳載青宛其逝矣誰
適爲榮

有幽者蘭言樹之門弗采弗紉惟陰雨以昏厥貞莫移
厥香曷焚

有幽者蘭滋畹伊何以似以續曰蕙是宜式固女後女
芳維益嘉

有幽者蘭維霜之厲秋日淒淒我心孔瘁君子曷歸行
與子同逝

幽蘭五章章六句

登密雲近山

避車聊暫憇臨眺得從容
山逆奔泉驥河轟壁澗龍
清時無伏莽嚴埃罷宵烽
却憶前經畧煙深故壘重

宿石匣北關藥王廟

車轍經年去住難
邊城東望路漫漫
雲埋廢廟復關斷
風掃閒房丹竈寒
怒比蛟龍雙栢在
翩如蛺蝶數花殘
坐聞擊柝疑宵警
旅夢迢迢未敢安

大行皇帝靈駕發引輓歌辭二首次宋臣歐陽修韻

陶唐克讓舜溫恭
繼體文兼創業功
六十一年瞻

首出三千餘歲已前空

深仁反側猶紆組

神武荒遐屢掛弓今日山崩河水決

帝星光返紫微中

勤倦曾聞古聖人萬年一日政長新敬

天方肅齋宮駕省歲初廻別館巡霜仗戒嚴陳虎豹日凶告食

鬪麒麟皇皇羽衛

龍輻動泣鼎號弓總絕塵

感懷疊前韻二首

龍納璽歌裴象恭疇吞若采及傷功雅詩漫擬陳當武

楚語應難問太空未老廉頗三遺矢猶賢顏羽六鈞弓
春來自愛長鏡健回首觚稜紫霧中
曾是當年侍從臣攀髯無計淚痕新

天顏日遠嗟何及

詔旨春溫記幾巡鄭重烏臺兼鳳闕參差金虎失銀麟孤臣泣

血長銜恤猿鶴沙蟲九塵

除夕和東坡歲晚寄子由三首

餽歲

志惟享所役幣乃敬之佐溝壑戒子思蒸豚溲陽貨人
生千載恨失足不在大霖雨竟不出風雪獨高臥豈無

伏臘禮雜賓難與座世情夙相左牽若蟻行磨承筐本
無實作偽豈非過羈孤歲晏懷古調誰當和

別歲

歲晚當過誰出門常遲遲歲晚孰相過去者吾不追人
事逝安屆吾生良有涯頗有來別者在別終無時敢以
麤糲餐走博甘與肥硜硜誠可哂栖栖亦可悲初無高
世念敢爲逃世辭端居惜在日筋力吾早衰

守歲

吾聞深山中大年有龜蛇微生勤吐納烟霧相藏遮人
生不聞道百歲終如何况復強視息孳孳爭鬪諱少壯

訟玩愒閉戶常自搗暮景復何爲桑榆西日斜區區守
此夕疇昔多蹉跎歲固不可留留之豈足誇

除夕不寐再次東坡歲晚三首韻

餽歲

十載趨承明一麾失卿佐喪固宜速貧未喪孰相貨餽
遺果何者拙效無小大先生病莫興瓶榼罄長臥旣鮮
鷓夷滴在助北海座敢望繼粟人升斗給馬磨童子笑
相告今日歲除過語童且上關詩成須獨和

別歲

歲除一何速吾歸一何遲歸心警歲序匍匐不可追吾

生也有涯而知也無涯莊生信達觀渠寧能爲時歸田
有舊約食言吾當肥放逐不自由感時寧不悲惟見歲
來別匆匆驪駒辭顧瞻燕草黃碧絲幾變衰

守歲

東方有至言聖道參龍蛇在歲不可留今歲寧可遮志
士自愛日守此誠爲何四海正過密八音寂不譁惟聞
譙鼓催統如三四槌閒居獨堅坐短簷風獨斜敢疑昔
慷慨猶怨前蹉跎異時山中歲應共田老誇

雍正元年元旦

履端况值改元新聞道珪璋肅

紫宸鸞鶴雍容霄際

影鷗鳧浩蕩水邊身卿雲已兆天心悅除夕先迎歲首
春信是貞元期會合歸耕擊壤附堯民

一謝朝簪忽兩春仙凡踪跡此中分歸根猶是枝頭葉
出岫初如嶺上雲拊髀漸舒騎馬困側身都忘聽雞勤
新年日夜鄉思切白髮高堂旅夢紛

巡撫都御史白公纂修江西通志喜而有作

職方列九圖行人爲五書皇哉都城志國史所權輿我
朝邳隆理化成邁義蓮西江文獻都志乘嚴部居邇來四
十年缺逸殊紛如維公古名世擁節來專車起衰黜秕
政霆掃而風除山窮敷淺至水測彭蠡豬農欣安畎疆

士奮趨學廬陽施陰則閉化日長以舒公暇檢通志心
出無古初分纂得耆宿張若啟與 孰華宜踵增孰闕
宜補苴彰瘕寄袞鉞一一親爬梳煥乎有文章銷然發
瓊琚殺青行有期已聞付鈔胥何當觀厥成日星垂太
虛

閔六長百鱗圖爲朱赤谷題

擁劍威嚴秉鉞尊望洋曹沸稻芒新睢肝郭索公無怒
猶有乘流緝鱗人